

新刊大宋宣和遺事

新刊大宋宣和遺事元集

金陵王氏洛川校正重刊

詩

暫時罷鼓膝間琴  
閒把遺編閱古今

常嘆賢君務勤儉  
深悲庸主事荒淫

致平端自親賢哲  
稔亂無非近佞臣

曰  
說破興亡多少事  
高山流水有知音

茫茫往古繼繼來今  
上下三千餘年興廢百千萬事  
大概風光霽月之時少  
陰雨晦冥之時多  
衣冠文物  
之時少  
干戈征戰之時多  
看破治亂兩途  
不出陰陽  
一理中國也  
天理也  
皆是陽類  
夷狄也  
小人也  
人慾

也皆是陰類陽明用事的時節中國奠安君子在位  
在天便有甘露慶雲之瑞在地便有醴泉芝草之祥  
天下百姓享太平之治陰濁用事底時節夷狄陸梁  
小人得志在天便有彗孛日蝕之災在地便有蝗蟲  
饑饉之變天下百姓有流離之厄這箇陰陽都關係  
着皇帝一人心術之邪正是也且說唐堯虞舜是劈  
初頭第一箇皇帝看他治位時任賢勿貳去邪勿疑  
不敢盤逸遊畋不敢荒淫音樂到得他揖讓傳禪時  
分且道無若丹朱傲惟慢遊是好傲虐是好舜王那  
曾敢做慢遊傲虐的事禹王告着舜王使他休學堯

王的孩兒丹朱專事慢遊專務傲虐恃着強力不用水向平地上推了舟船共他徒黨在家爲淫亂之行故堯王不將天下傳與他却分付與舜王了舜王治世舉八元八愷共十六箇才子是有賢德名望的人分布在朝任了官職却將共工流逐於幽州田地將鯀放逐於崇山田地將三苗竄逐於三危田地將鯀誅殛於羽山田地誅竄了這四箇兇人天下百姓皆服其威斷明四目達四聰末梢頭賢人在位小人在野朝綱自治在位五十二年壽命一百一十二歲將天下傳與禹王至湯王時爲諸侯與葛爲鄰葛君不

道苦虐其民。湯王伐之。東征而西夷怨。南征而北狄怨。却道湯王何故忘我不來拯救。黎民咸慕湯王之德。却有夏桀無道寵妹喜之歡。將酒傾爲池水。將肉排爲樹林。相似日與兇徒沈酗於酒池。肉林間苦虐生靈。百姓怨道夏桀與日相似。這日幾時喪亡。我甘受其苦。不過情愿與他偕亡。至紂無道寵妲己。剖賢人心。置炮烙之刑。不修德政。不改前非。武王伐之。享國日久。傳位至周幽王。寵褒姒之色。爲不得褒姒言笑。千方百計取媚。他因向驪山上把與諸侯爲號的烽火燒起。諸侯皆道是幽王有難。舉兵來救。及到幽

王殿下却無他事只是要取褒姒一笑後來貶了太子廢了申后申后怒會犬戎之兵來伐幽王諸侯不來相救遂喪其國有詩爲證

詩

恃寵嬌多得自由

驪山舉火戲諸侯

曰

祇知一笑傾人國

不覺胡塵滿玉樓

又楚國靈王寵嬪嬙之色起章華之臺苦虐黎庶遭平王所追遂死於野人申亥之家有詩爲證

詩

茫茫春草沒章華

因笑靈王苦好奢

曰

臺土未乾簫管絕

可憐身死野人家

後來陳後主也寵張麗華孔貴嬪之色沈湎淫逸不



理國事被隋兵所迫無處躲藏遂同二妃投入井中  
隋兵搜出亦遭其虜其國卽亡有詩爲證

詩

陳國機權未有涯

如何後主恣驕奢

曰

不知卽入宮前井

猶自聽吹玉樹花

當時有隋煬帝也無道殺父誅兄姦妹無所不至寵  
蕭妃之色蕭妃要看揚州景致帝用麻胡爲帥起天  
下百萬民夫開一千丹八里汴河從汴入淮從淮直  
至揚州役死人夫無數死了相枕復造龍鳳船使宮  
人牽之兩岸簫韶樂奏聞百十里之遠更兼連歲災  
蝗餓死人遍地盜賊蜂起六十四處煙塵一十八處

擅改年號李密袒臂一呼聚雄師百萬占了中原煬  
帝全無顧念被宇文化及造變江都斬煬帝於吳公  
臺下隋國遂亡有詩爲證

詩 千里長河一旦開 亡隋波浪九天來

曰 錦帆未落干戈起 惆悵龍舟更不回

其國有唐秦王世民行仁布德滅了六十四處煙塵  
遂建都於長安以制太平後來爲唐明皇爲孩兒壽  
王取楊家女孩兒名做玉環的爲妻明皇一見玉環  
生得有傾國之色背後使人喚玉環出家爲女官道  
士後來宣入宮中封爲妃子寵幸無比真箇是



後宮佳麗三千人

三千寵愛在一身

金屋粧成嬌侍夜

玉樓宴罷醉和春

那明皇寵愛妃子春從春遊夜專夜寢從此荒淫每  
日更不坐朝聽政爭奈那妃子與安祿山私通却抱  
養祿山做孩兒明皇得知將安祿山差去漁陽田地  
做了節度使那祿山思戀貴妃之色舉兵反叛真是

漁陽鼙鼓動地來

驚破霓裳羽衣曲

那明皇無計奈何只得帶領百官走入蜀川躲避了  
祿山行至馬嵬驛六軍不肯進發把那貴妃使高力  
士將去佛堂後田地裏縊殺了諸軍且跟着明皇入

蜀後來明皇那兒子肅宗恢復兩京再立唐家社稷也今日話說的也說一箇無道的君王信用小人荒淫無度把那祖宗混沌的世界壞了父子將身投北去也全不思量祖宗創造基業時直不是容易也今有康節先生做八句詩道得好道箇甚的

詩 自古禦戎無上策 惟憑仁義是中原

王師問罪固能道 天子蒙塵爭忍言

兩晉亂亡成茂草 亡君屈辱落陳編

曰 公閭延廣何人也 始信興邦亦一言

此詩是康節左衽吟 豫先說着箇宣和靖康年間

讖語麼當初只爲五代時分天下荒荒離亂朝屬梁  
而暮屬晉干戈不息更兼連歲災蝗萬民遭塗炭之  
災百姓受倒懸之苦爲此後唐明宗夜夜焚香告天  
祝曰我乃胡人不能整治天下願天早生聖人撫安  
黎庶此上感得火德星君霹靂大仙下界降生於西  
京洛陽縣夾馬營趙洪恩宅生下一箇孩兒當誕生  
時分紅光滿室紫氣盈軒趙洪恩喚生下孩兒名做  
匡胤幼與小童戲於街檻好布陣行伍肅然人見而  
異之及年當弱冠有大志少遊關西行到處除兇去  
惡長治華夷民安國泰自陳橋兵變柴皇讓位在位

十七年天下太平消鎔軍器爲農器毀折征旗作酒旗太祖一日收平江南有徐鉉奉使至太祖殿下盛誇其主能文因誦其詩太祖道此詩村教書語耳因道我少時有詠日詩道是

詩曰須臾捧出大金盤趕散殘星與明月

徐鉉聽得這詩大服太祖志量後來人以爲應大金破汴梁之讖太祖傳位與太宗太宗欲定京都聞得華山陳希夷先生名搏表德圖南的精於數學預知未來之事宣至殿下太宗與論治道留之數日一日太宗問朕立國以來將來運祚如何陳搏奏道宋朝

以仁得天下。以義結人心。不患不久長。但卜都之地。一汴二杭三閩四廣。太宗再三詰問。搏但唯唯不言而已。在後高宗中興定都杭州。蓋將前定之數亦非偶然也。太宗之後傳位於真宗。仁宗英宗幾箇賢君。且說英宗皇帝治平年間。洛陽邵康節先生因與客在天津橋上縱步閒行。忽聽得杜鵑聲。先生慘然不樂。客問其故。先生道。洛陽從來無杜鵑。今忽來至。必有所主。客曰。何也。先生曰。不過二年。朝廷任用南人爲相。必有更變。天下自此多事矣。客曰。聞杜鵑聲。何以到此。先生曰。天下將治。地炁自北而南。將亂。地炁

自南而北今南方地烝至矣禽鳥得烝之先者也春秋有云六鷁退飛雝鵠來巢皆烝使之然也英宗升遐神宗卽位神宗是箇聰明的官家朝廷上大綱小紀一一要從新整理一番恰有那曾參政名做公亮的薦那王安石爲丞相神宗准奏召王安石拜相正宣麻時分有唐介做著諫官上疏論奏王安石泥古迂儒若用爲相必多更變重擾天下那時有呂誨亦上疏彈劾安石有彈文其略云

臣呂誨誠惶誠恐頓首頓首百拜奏于

皇帝陛下

臣

仰觀

公朝除王安石爲相者

臣

切謂



安石每遷小官遜避不已及除翰林學士不聞固  
辭先帝臨朝則有山林獨往之志陛下卽位則有  
金鑾侍從之樂好名嗜進見利忘義凡在經筵力  
請坐而講說將屈萬乘之重自處師氏之尊不識  
君臣上下之分又與唐介爭論謀殺刑名衆非安  
石而是介介務守大體不能以口舌勝憤懣發疽  
而死奏對強辯陵轍同列大奸似忠大詐似信外  
示朴野中藏巧詐驕蹇慢上陰賊害物制置三司  
條例兼領兵財又舉三人勾當八人巡行臣未見  
其利先見其害區區愚忠切以爲安石決不可用

若用之爲相必變更祖宗法度以亂天下欲望

聖慈允

臣

所奏將王安石新命寢罷宗社幸甚伏取

進止

奏上神宗不報安石居相位專務變更一日奏行青  
苗法差李常孫覺等往河北諸路俵散青苗錢第一  
等戶十五貫第二等戶十貫第三等戶五貫第四等  
戶一貫五伯第五等戶一貫青苗在田時分俵散到  
收成時分催納十分供一分爲息當有銀臺司范鎮  
上疏奏言青苗錢擾民不便表云

臣范鎮謹奏言青苗錢者唐衰亂世之所爲青苗

宣和通志卷之八  
在田已估其直收斂未畢已促其償是盜跖之法也。臣以爲此法若行天下騷然民不聊生非國家之利也。臣請罷之。

表上神宗不聽。又宰相韓琦奏言青苗錢法大不便於民間。有司責篤嚴急。細民不勝愁苦。至有鬻妻賣子者。不能償。願陛下察之。卽與蠲罷。奏上。王安石大怒。卽日貶韓琦於外。熙寧七年大旱。帝謂羣臣曰。天久不雨。朕夙夜焦愁。無可奈何。韓維奏曰。陛下信安石酷法。散青苗錢於民。今之官府督取甚急。往往鞭撻人民取足。至有伐葉爲薪。以易錢貨。旱災之際。重